

■ COLUMNA

Uss eisi da sefar vitier

DA LEONTINA LERGIER-CAVIEZEL

Treis quater gis aura da stad, dus gis plievgia ni aura variabla ed ella cheu. La vendita da stagiun.

Gis beai per nus che vein strusch pudiu spitgar sin quellas etichettas cotschnas. Ussa crodan ils prezis ch'igl ei in bi mirar. Acziuns nua ch'ins mira. Igl ei in gaudi da semetter sin viadi en direzioni da centers urbans e da trottar leu dad ina stizun a l'autra. Paregliond, ponderond, empruond, sbittond e scarsond per finir en quellas chistas sper la cassa. Leu nua ch'ins anfla spetgond aunc in fazalet, in pèr soccas gaglias, ina tschenta ni schiglioc ina caussetta per cumpletar la gardaroba. Tut per ina cagna da nuot.

Per entscheiver mon jeu alla tscherca da quella rassa che veva plaschiu a mi ordvart bein l'entschatta mars cu la collecziun da stad era finalmein stada en vitrina. In siemi, aber in che custava da gliez temps ina facultad. Beinsavend ch'il prezi crodi en buca ton gitg hai jeu spitgau cu plascher anticipau. Mo – uss ei miu siemi deplorablemein buca pli dentuorn, silmeins buca en mia grondezia. Stoda trumpada. Per cletg cattel jeu spert adagur en in cantun in costum elegant cun in tagl tut aparti. El va sco culau. Secapescha



che jeu basegnel ina blusa adequata vitier. La vendidra sedrova dad ir alla tscherca e porta ladinamein ina biala schelta. E cun quei ch'il costum cun blusa e tut cuosta aunc gitg buca ton sco quei che la rassa ch'ieu vevel priu en mira custava oriundamein astgel jeu maneivel selubir da cumpletar mia cumpra cun in shirt, in pulloveret da stad. Quei tochet teila possibilitescha ina cumbinaziun supplementara e la finala eisi da prender la caschun sch'ella sepor-scha.

Tut cuntenza cun mia preda cuntinueschel jeu mia tura. Sandalas! In pèr da quellas san ins adina duvra. Insumma – hai jeu a casa in pèr che van a prau cun miu niev costum? Tupamein hai jeu buc inspec-tau pli da rudien mias reservas. Ton ch'igl ei forsa meglier da mirar entuorn in tec. Per cass...

Alla tscherca dallas san-Adalas scarpetschel jeu bunamein sur zacons ba-

teglis screts giu per varga la mesadad. Igl ei propi miu gi da cletg. Ei fieran bunamein suenter la rauba. Tut sto naven! Nus duvrein plaz per la nova collecziun!

Plaz drovel jeu medemein. Turnond a casa cun ina pluna tastgas pleinas sedamondel jeu nua pomai metter giudamaun miu resti niev. Mia scaffa ch'ei gia plena sforza mei da far inspecziun e zavrar. Ponderond tgei battegl ch'ei danvonz croda ina rassa da stad en egl a mi. Quella ch'ieu hai cumprau la stad vargada a caschun dalla vendita da stagiun. Ina teila leva e flurida, schuals fins fins ed ina faulda aviarta tochen lunsch dalla queissa si. La rassa ideala per ina sera romantica en in restaurant zanaa en regiuns mediterranas. Tgei donn che jeu hai mai giu la caschun da trer en ella. Mo zacu lasch jeu lu schon vegnir dretg, ton ei segir.

Miu um contempla inu certa sceptica e vul saver schebein jeu seigi envidada ad ina tscheina cun la regina dall'Engeltiara? Tallas damondas deplazzadas pretendan disposiziuns immediatas aschia che jeu decidel subito da gnanc presentar ad el mias ulteriuras trofeas. Tez l'empudientscha!



MAD

Nova chasa da club per il Club da ballape Domat

■ (rtr) A Domat ha il club da ballape inaugurà uffizialmain la nova chasa da club. L'inauguraziun è sa sviluppada ad ina festa populara. La populaziun da Domat dat ferm sustegn a ses club da ballape che dumbra 20

squadras e 400 commembers. En preschientscha dal cusseglier guvernativ Mario Cavigelli, da la scheffa da la EMS-Chemia Magdalena Martullo-Blocher ed auters giasts è la nova chasa vegnida averta e mussada a la pu-

blicitad. Il sustegn dal project cun 500 000 francs entras la vischnanca era vegni cumbattì da la pps Domat cun in referendum. Ma a l'urna aveva Domat refusà quel. La nova chasa dal club ha custà 1,8 milliuns.

■ NOVITADS WWW.RTR.CH

Populaziun vegn pli e pli veglia

La populaziun svizra vegn marcantamain pli veglia ils proxims 30 onns. Quai resulta d'in scenari che l'Uffizi federal da statistica ha fatg sin fundament d'ipotesas d'experts da la confederaziun. Actualmain èn da 100 persunas radund 30 sur 65 onns veglias. L'onn 2045 s'augmenta quest dumber sin fin 50 persunas e muntass che la mesadad da la populaziun svizra fiss lura sur 65 onns veglia. Tenor il scenari dumbra la Svizra l'onn 2045 radund 10,2 milliuns abitants ed abitants. L'augment sa basa per gronda part sin fundament da la migraziun e betg da las naschientschas.

Interess politic dals giuvenils

Las giuvenas ed ils giuven svizzers s'interessan per la politica. Dus terz dals giuvenils da 18 onns quintan d'ir a votar quest atun. Quai resulta or d'ina retschertga che la Comissiun federala per l'uffanza e la giuventetgna (EKKJ) ha manà tras. Tenor la retschertga s'interesschia mintga segund giuvenil en general per politica. 74% èn persuerter che temas actuals vegnian discutads en scola, constatescha la EKKJ. L'interess per temas politics è tar ils giuven però pli grond che tar las giuvenas. Plinavant èn giuven da 18 onns da l'opiniun d'esser pli cumpetents che giuvenas da la medema vegliadetgna.

Nagina serrada dals cunfins

En vista ad adina dapli requirents d'asil en il Tessin ha il president da la regenza Norman Gobbi prendi en mira da serrar ils cunfins. Reintroducir las controllas al cunfin è pussaivel tenor la cunvegna da Schengen sch'i dettia ina periclitaziun seriusa da l'urden u da la segirtad interna. Questas cundiziuns na sajan il mument betg ademplidas, ha ditg il secretariat statal per migraziun.

Festa da chant

A Meiringen è ida a fin la Festa federala da chant. Sco ch'ils organisaturs communitgeschan han passa 400 chors da l'entira Svizra prendi part. Il president dal comité d'organisaziun, Gerhard Fischer, fa ina bilantscha positiva da la festa da chant. In engraziament ha el drizzà als passa milli voluntaris ed a la protecciun civila per lur lavur. I vegn stimà che radund 36 000 persunas hajan visità las davosas duas fins d'emna la Festa federala da chant a Meiringen.

Kuoni venda a Rewe

L'organisatur da viadis svizzer Kuoni ha chattà in cumprader per sia fatschenta da viadis en l'Europa. Tenor ina comunicaziun surpiglia il concern turistic tudestg Rewe sia sparta «DER Touristik». Rewe surpiglia ils biros da viadi e la distribuiziun online en ils margtgads Svizra, Gronda Britannia, Scandinavia/Finlanda e Benelux. La Rewe Group surpiglia tut ils radund 2350 collavuradors da Kuoni. Il schaner aveva la Kuoni Group annunzià da vulair sa concentrar sin l'industria da viadis globala.

Trais accidents alpins cun dus morts

■ (rtr) La dumengia hai dà en il massiv dal Piz Bernina trais accidents, quai communitgescha la polizia chantunala che ha inditgà las suandontas infurmiations:

– Al Piz Roseg èn dus umens tudestgs da 40 e 45 onns crudads

giu e morts. Els sa chattavan en in'atezza da 3000 m s. m.

– En la vischinanza da la Fuorcla Prielusa è ina dunna da 37 onns sa glischnada or e crudada radund 100 meters giadora. Ella è sa blessada grevamein e sa chatta uss en l'Ospital chantunala a Cuira.

– Al Piz Palü che tutga tar la grupa dal Bernina èn dus alpinists talians vegnids en difficultads. Vers la saira han els dà alarm ed enturn las 19.00 ha in helicopter da salvament da la «Heli Bernina» pudì salvar ils dus alpinists. Els n'han naginas blessuras.


■ L'AURA

Oz plitost aura variabla

Situaziun generala: Questa notg ha ina front freida dal vest d'Europa cuntanschi la Svizra. En il decurs dal di vegn ina pressiuun auta a cuntanscher l'Europa centrala ed er procurar per pli sitg.

Oz: La damaun anc ferm surtratg, en il decurs dal di adina pli bletsch e temporals. Il cunfin da naiv giascha sin 2100 m sur mar. La damaun temperaturas da 10 grads e durant il di fin 19 grads. Cunfin da nulla grads sin 2400 m sur mar.

Prognosa: Damaun en il nord da noss chantun ed en Surselva sulegl. En l'Engiadina ed en il sid bell'aura da stad.



Carlo Janka ha avert las cursas dals mini-autos a Surselva. MAD

Cursas da mini-autos a Surselva

Ils mini-autos, las chistas da savun èn stadas questa fin d'emna en il Grischun. Gist duas cursas che quintan per la cuppa svizra han gi lieu. Ina cursa è stada a Surselva, l'autra a Tschierschen. Per la 12avla giada è la cuppa svizra a Surselva. Ils organisaturs, la

Surselva Turissem SA, han envidà Carlo Janka per dar liber la partenza. Tar las cursas en las chistas da savun accumpognan babs e mammas ils uffants. Uffants da set enfin 16 onns pon sa participar a questas che valan sco buna partenza per ils pilots da go-karts.

Disturbi tecnic è stà la culpa

In disturbi tecnic ha chaschnà ier notg l'interruptiun d'electricità da duas uras a Cuira. Sin las vias en la chapitala grischuna na gievan naginas chazzolas ed er auters indrizz electric, sco per exempel raits da telefon internas u portas gaschas n'han betg funcziunà.

Per part è er il program da radio crudà ora. Sco quai che l'IBC, l'interpresa per energia ed aua a Cuira, communitgescha, saja il motiv da la panna in disturbi tecnic en il conduct circular. Betg stads pertutgads da l'interruptiun eran ils quartiers Foral, City West e Rossboden.